

第四冊第二課看卡通學閩南語
——激頭殼劇本〈食暗頓的時陣〉

口白：阿爸佇灶跤咧煮暗頓，豆仔來鬥相共。

阿爸：豆仔，提一塊盤仔予我。

豆仔：盤仔佇遮。

阿爸：好矣！來，擇去，細膩喔，毋通燙著呢。

豆仔：有夠芳的！

（豆仔偷拈一塊紅燒肉，拄欲塞入去喙空）

丸仔：阿兄！

豆仔：你遐大聲是欲共我驚死喔！

丸仔：阿爸，阿兄欲偷食。

阿爸：丸仔轉來矣喔，緊去洗手。

丸仔：阿爸，你咧煮啥？芳貢貢呢。

豆仔：丸仔，你去提一塊碗公來貯湯。

丸仔：好。

豆仔：這毋是碗公啦，這是碗。

阿爸：湯我來貯就好，恁兩個款碗箸。

口白：豆仔佻丸仔碗箸排好勢，阿母就下班轉來矣，一家伙仔坐落來食飯。

阿母：這紅燒肉有夠好食！

阿爸：恁若愛食，彼鍋仔內底猶閣有喔。

阿母：無啊，豆仔，你是咧趕時間喔？

阿爸：食較慢咧，毋通哽著。

（豆仔碗擇無好，共飯碗摔掉。）

阿母：你看！

丸仔：食緊搥破碗。

豆仔：失禮啦……

阿爸：好矣，緊去貯飯。

（丸仔的湯匙仔嘛落落去矣。）

丸仔：湯匙仔！

阿母：哎唷，恁兄妹仔今仔日是按怎啥？

(雄雄電火化去，規間厝暗摸摸。)

阿母：失電矣喔？

(豆仔共電火拍開，手捧雞卵糕)

阿爸、豆仔、丸仔：祝你生日快樂、祝你生日快樂！

阿母：著乎，我煞袂記得今仔日是我的生日呢！

豆仔：阿母，祝你永遠嬌囍囍。

丸仔：阿母，祝你身體健康。

阿爸：恁兩個講甲誠好。

阿母：我來去提攞仔。

丸仔：我來去提杯仔。

阿爸：提杯仔欲創啥？

丸仔：貯雞卵糕啊！

阿爸、阿母、豆仔：是盤仔啦！